

外科證治全書

外科證治全書卷四

環峯許克昌倫聲

木末畢 法蒼霖 同輯

發無定處證

疔瘡 楊梅瘡 結毒 遺毒

癰風 石疽 流注 癰發

惡核 癭瘤 疣 瘰癧

癰疽 痘毒 痘風瘡 痘癰

丹瘤 赤火瘡 天泡瘡 貓眼瘡

魚脊瘡 漆瘡 凍瘡 血風瘡

癬

疥瘡

瘡癥

傲冬瘡

癰

癰疽

痞瘤

葡萄疫

赤白遊風

癰疹

癰瘍風

紫白癰風

白疔

血箭

血痣

五竅出血

血汗

痛風

小兒胎風

痒風

疔瘡

疔瘡者言其瘡形如丁蓋之狀也古方論疔有十種華元化論疔有五色千金方說疔有十三種以至外臺祕要治法神巧而其論相同然無非毒氣客于經絡及五臟內蘊熱毒初起或如小瘡或如水泡紫黃青黑無定色

痒痛麻木亦無定候多生于頭面肩臂手足等處令人煩燥悶亂或憎寒頭痛或嘔吐惡心或肢體拘急治宜鍼刺擠出惡血見好血而止取拔疔散絀入以膏掩之其有瘡頭陷坳而鍼刺不痛無血者則鍼瘡四旁必令血出藥從鍼孔絀入內服奪命丹或奪命湯汗之夫疔毒險證也其害最速生頭面耳鼻之間顯而易見生臂足衣遮之處隱而難明知覺早者朝醫夕愈遲者枉死甚多每每婦女而患暗疔者初時誤作傷寒至毒陷發腫神昏牙緊遂成走黃多致不救黃卽毒也疔毒內走攻心如在將昏之際亟用回疔散二錢白湯送服或以

奪命丹五丸爲末，葱汁調灌之。少頃大痛，痛則毒化，黃水痛止，病愈。

一手小臂，足小骸，生有紅絲如絲一條，延走者名紅絲疔。走至心腹或至喉內者，難救治，宜在紅絲始末兩端，用鍼刺破出血，以洩其毒。亦以膏貼之，服藥如前。此疔皆因大喜大怒，氣血逆行所致。急刺出血後，用

浮萍草根敷之，立愈。

謹案醫宗金鑑作紅絲疔，不作紅綫，遵改。

一疔瘡，用鍼刺出毒血，後服拔疔散。

治紅絲疔尤效。

紫花地丁

甘菊花

各一兩

水煎服二劑，而疔毒散三劑全愈。若

已潰爛，亦用此方，但加當歸二兩。

服之立愈。

一刀鑱疔形闊如韭葉長有寸餘肉色紫黑忌行鍼刺
用生礬三錢蔥白七根共搗爛作七塊另以蔥湯逐
塊送下蓋被取汗再飲蔥湯催之汁出爲度外取爛
雞矢塗患上卽愈遲治走黃致命

一人患疔須臾半面腫不知疔患何處用蔥白七根
一兩同搗敷之神效

奪命丹

乾蟾酥酒化輕粉 麝香各五分枯礬

寒水石煅銅綠 製乳香 製沒藥各一錢

硃砂三錢飛 蝸牛二十一個連殼研
爲膏如無卽不用

右各研爲細末取蝸牛蟾酥研勻入諸藥杵丸綠豆大
每服三丸用蔥白五寸搗爛安手心內裹丸于中另
煎葱湯送下蓋被取汗如無汗約人行五里許再進
一服多飲蔥湯催之汗出爲度

奪命湯

銀花

草河車

赤芍

各二錢

蟬蛻

僵蠶

防風

羌活

獨活

青皮

澤蘭

各一錢五分

黃連

甘草

各一錢

右水煎熱服暖臥取汗

回疔散

土蜂窩

有子者一兩
蛇蛻一條

右用泥裹火煨存性爲末研和聽用

拔疔散

硫黃

蟾酥等分

右爲細末蔥汁和蜜搗丸小米大宜帶長以便插入疔瘡內

楊梅瘡

一名廣瘡因其毒出嶺南一名時瘡以時氣乖變邪氣湊襲之故一名翻花瘡因其纏綿不已形如棉花一名翻花楊梅因巢粒破爛肉反突于外色如黃蠟一名天泡

瘡因其夾溼而生白泡有形如赤豆嵌于肉內堅韌如鐵名楊梅痘有形如風豆作痒名楊梅疹有先起紅暈後發斑點名楊梅斑有色紅作痒其圈大小不一二三相套名楊梅圈名形雖異要不出氣化精化二因氣化傳染者輕精化慾染者重氣化者或遇生此瘡之人鼻聞其臭或誤食其物或登圉受其不潔之氣脾肺受毒故先從上部見之皮膚作痒筋骨或疼或不疼瘡形小而且乾此不過在皮毛肌肉之間每日用換肌消毒散去木瓜加荆芥防風蟬衣汗之或更以龍膽瀉肝湯接服清去溼熱自當全愈精化者由交媾不潔精洩時毒

從精道乘虛直透命門以灌衝脈所以內入骨髓外達
皮毛凡衝脈所到之處無處不有多有先患下疳次便
毒漸至筋骨疼痛下部生瘡或小水澀淋其瘡形大而
堅鞭爲害最惡治之以化毒爲貴熏爲忌熏罨瘡者復
發難治醫方有升藥爲丸雄黃爲衣包裹吞服數日卽
好或然藥條一根口含冷水諸法皆收毒入內掩飾瞞
人害人性命羞畏人知者多受其害復發則爛毒瞎眼
初起宜用三黃丸每日五鼓取四錢熱陳酒送服醉蓋
取汗或兼以龍膽瀉肝湯每日早晚輪服外用忍冬藤
煎湯日洗血餘散日敷漸漸取效其有瘡生頭面或遍

身不便處欲其速愈但用金霜散敷之則二三日可以脫落亦神妙者也然此治標之法耳還須服藥消其內毒稍有遺毒未消難逃後患如換肌消毒散槐花藥方皆消餘毒妙藥

一有楊梅癰用水浮萍煎汁浸洗閒日一次數次即愈
換肌消毒散

土茯苓

一兩

忍冬花

三錢

當歸

白蘚皮

各二錢

薏苡仁

四錢

皁鍼

二錢

木通

一錢五分

白芷

一錢五分

木瓜

不犯鐵器

甘草

各八分

右水煎服毒甚者加土茯苓至四五兩

血餘散

人指甲

炙研不拘多少

真血餘灰

各等分

右二味共研每兩加麝香

一錢

再研和密貯磁罐內臨

用白蜜調敷

附
愈後退斑餅

用黑母牛糞捻作小餅炭火煨半熟乘熱貼患處一

時取去斑痕自退轉白

龍膽瀉肝湯

通用九

槐花蕊

通用四十二

三黃丸

通用四十九

金霜散

通用七十

附方

一方用大蝦蟆一個肚上剖開將雄黃一兩填入用黃泥包好放炭火內煅煉以泥紅爲度取出埋土中一夜將黑灰分作三服黃酒送下每日空心服一次毒氣盡除如用消風敗毒散一二劑則終身不發矣

一患楊梅瘡服輕粉一時收斂以圖目前遮飾豈知毒藏於內必致外潰未幾而毒發于鼻自覺一股臭氣沖鼻而出第二日鼻色變黑不聞香臭須速治否則鼻柱自傾腐爛莫救急治亦須用大劑藥些小之劑無效方用護鼻散

護鼻散

元薄

二兩

麥冬

二兩

生草

一兩

生丹砂

末三錢

桔梗

五錢

花粉

三錢

銀花

三兩

水煎調丹砂末一劑鼻知香臭連服四劑鼻上黑色散去可免鼻梁爛落矣更用全鼻散

全鼻散

元薄

一兩

生甘草

三錢

銀花

一兩

當歸

一兩

麥冬

五錢

人薄

三錢

水煎調入丹砂末

一錢

服十劑而一身之毒盡出方保

無虞前方勇猛所以救其急後方平和所以補其虛而丹砂前後皆用者以輕粉之毒非丹砂不能去輕

粉乃水銀所燒而丹砂乃水銀之母子見母相逢不相離丹砂出而輕粉亦出儻鼻柱已傾肉腐不堪將前護鼻散救之雖鼻不重長而性命可援不致于死一楊梅瘡黃膿泛濫腐臭不堪世人皆以爲毒盛多用敗毒之藥孰知日敗毒而毒愈盛瘡愈多往往有腐爛者須知此證于洩精時元氣大損故毒乘虛而入不補虛以瀉毒烏能有濟乎方用二生湯

二生湯

生黃耆

二兩

土茯苓

二兩

生甘草

三錢

水煎服連服四劑瘡色紅活再服四劑瘡盡乾燥又服

四劑全愈此方如毒重疼痛非常則加當歸一兩銀

花二兩 倍土茯苓便結燥者加紫草三錢

楊梅結毒

一名瘋毒
一名楊梅瘰癧

結毒者因患瘡時毒氣方熾誤用藥水熏蒸或輕粉內伏
或點藥收斂以致毒沈骨髓間竅之中積久外攻其始
也先覺筋骨疼痛漸漸腫起發無定處潰破則腐臭不
堪故有鼻崩唇缺目蝕喉穿手足攣拘等證治法初起
者日服三黃丸再服取忍冬藤牛蒡草甘菊紫花地丁
煎湯當茶時飲不得另飲茶湯如潰則以渣煎洗日兩
度接服聖靈丹可祛毒盡色轉紅活以洞天膏貼收功

蓋聖靈丹治結毒萬全之功無有出其右者但方內有
犀黃珍珠價皆貴重又不可減去分釐需數十金方能
合就貧者奈何又結毒紫金丹楊梅癰漏湯二方用之
甚效卽年深者亦效藥資無多又能取效如患久虛弱
者更宜補助爲妙忌食火酒豬頭糟物海味茶醋椒薑
大蒜牛羊雞鵝豆腐麪筋鮮魚等豬肉不忌
一結毒在咽喉者可用七神散吹之服藥如前

聖靈丹

珍珠

犀黃

冰片

各一錢

琥珀

四錢紅
色者佳

劈砂

滴乳石

各三錢明者
佳卽石鍾乳

右各製研粉入飛羅麴四兩研和密貯每服取五分煎

土茯苓湯調下再以湯送服

一方加肥皁子一個同土茯苓煎如結毒在鼻額者加

辛夷三錢同土茯苓煎

結毒紫金丹

龜版

放炭火上炙燥用新酒漿筆醮漿塗上反復炙塗三次以焦黃爲度研細末二兩

石決明

用九孔者煨紅童硃砂明亮者飛便內浸一夜爲末硃砂末六錢

右共研極細末爛飯或米飲爲丸麻子大每服一錢量

病上下食前後下筋骨疼痛用酒下腐爛用土茯苓

湯下至重者四十日愈專治遠年近日楊梅結毒筋

骨疼痛腐爛不堪咽喉唇鼻破壞諸藥不效者並妙
功可代聖靈丹

楊梅癰漏方

黑鉛三兩溶化入水銀五錢乘熱搗為粉分作五分聽用後另

入煎藥用 土茯苓五兩 忍冬一兩 阜刺一錢

鬱金五分

右咀入蔥一莖各煎去渣再入鉛粉分一煎食遠服鉛粉

仍可取起蓋楊梅癰漏多因服輕粉積毒而成此每

以五劑為一料每料初一劑要取微汗取汗法以金

銀花用藤葉一兩防風荆芥花椒各五錢煎湯二斗于不透

風處先熏後洗自然汗出即愈二三十年者只用四料作四次汗之無不全愈忌牛肉燒酒發物徐春甫專用此方以治病者一一獲效故詳載之

七神散

黃礬

蜜塗炙九次研末一錢

殭蠶

新瓦焙燥為末一錢

兒茶

五分研末

製乳香

五分

製沒藥

五分

冰片

五分

人中白

煅末一錢

右共研極細末吹之

三黃丸

通用四十九

洞天膏

通用七十六

小兒遺毒

遺毒者乃兒在胞胎稟受父母精血餘毒故既生之後熱湯洗浴或著烘熏衣服外熱觸動內毒發于肌膚之表先出紅點次成爛斑甚者毒攻口角眼眶耳鼻及前陰穀道皮肉破爛嘔叫不安治之宜早內用土茯苓湯調人中黃細末四五分服之日進數次外破爛處以蜜炙黃檗細末乾糝之或以滑石綠豆粉鋪席上令臥可救十三四嬰兒若毒延遍身日夜嘔哭不喫乳飲者此毒盛正氣衰弱無法援之

癩風

一名癩大風
俗名大麻風

癩風者有毒之風也脾主肌肉肺主皮毛肉受溼熱氣濁

血虛外感酷烈暴悍之風寒內外皆毒惡凝滯而成癰
風初覺遍身麻木次起白屑紅斑蔓延如癰形若蛇皮
脫落成片久致四肢拳攣肌肉腐敗熱毒盛則面上起
油光熱久生蟲蟲蝕五臟則形有五損蝕肝則眉落蝕
肺則鼻崩蝕心則聲啞蝕脾則足底穿膝虛腫蝕腎則
耳鳴啾啾或痒痛如鍼刺蝕身則皮痒如蟲行治者急
令戒酒色耐氣寬心一切發風動氣醬鹽椒醋葷腥炙
煇及大寒大熱之物皆宜禁忌止食淡飯白粥白煮時
菜而已方用如酒杯之蛇一條竹刀破腹去雜切寸段
取瓦仰放炭火上以蛇段豎放瓦上蛇段跌倒者係無

毒之段棄之不倒者有毒用炙存性爲末

按蛇靈物也

用白花蛇一條酒浸炙末代之雖不及生蛇之力猛而走竄搜風亦非遜品一次不愈何妨再用一次據云白

花蛇是草拌入飯內覓通身白毛鴨一隻與食次日鴨毛盡

脫殺鴨在鍋內煮爛勻作四五日食之食後切忌見風

凡喫鴨第一朝其腫者更腫第二三朝收小喫完則愈

不論初起已潰及潰久腐爛不堪者並效後接用易老

驅風丸東坡四神丹常服不可間斷然斯證必戒色慾

禁口腹辛熱發物愈後亦須守戒年餘否則復發無救

矣

麻風病面生紫塊疙瘩治法在面部疔瘡內

易老驅風丸

黃耆

枳殼

防風

芍藥

枸杞子

甘草

大生地

大熟地

地骨皮

等分

右爲末蜜丸

東坡四神丹

羌活

元藁

當歸 各二錢

大生地 四錢

右水煎服

換肌散 存驗

治癘風久不愈或眉毛落脫鼻梁崩壞其效如神

白花蛇

黑花蛇

各三兩酒浸

地龍

去土

當歸

川芎

赤芍

天門冬

去心

甘草

何首烏

不犯鐵

沙蔞

胡麻子

炒

天麻

紫蔞

苦蔞

白蒺藜

細辛

白芷

蔓荊子

威靈仙

荊芥穗

菊花

木賊草

不灰木

石菖蒲

定風草

即草烏根

製木鼈

蒼朮

各一兩

右各另爲末過戩和勻每服四五錢食後溫酒調服加

飲數杯尤妙

浴癘方

存驗

草烏

麻黃根

艾葉

地骨皮

樸消各一兩

右爲末極細用水一桶椒一合蔥一斤同煎湯入醋一
鍾於密室中自用手巾圍搭四肢候湯可浴浴之令
汗透務使久浴面上汗如珠徐起或坐或臥片時汗
收著衣避風五日再浴如此三五次內服換肌散等
藥

石疽

石疽初起如惡核堅鞭不痛漸大如拳急以陽和湯犀黃
丸每日輪服紫元丹間服可消如遲至大如升斗者亦

石鞭不痛又日久患現筋紋偶作抽痛雖按之如石而其內已作膿矣現紅筋者其內已通血海不治現斑黑者乃自潰之證潰則流血三日內死現小塊高低如石巖者主三百日後必發大痛不潰而死惟現青筋者其內已成黃漿尚可治今日服陽和湯外用活商陸根搗爛加食鹽少許敷之數日作痒半月皺皮日敷日輟而有膿袋挂下以銀鍼穿之用千金內托散加熟地倍生耆各一兩同陽和湯煎服大劑補托十劑後以陽和解凝膏隨其根盤貼滿獨畱患孔再加繃縛法使其皮膚膜相連易于膿盡生肌接用十全大補加味保元等湯淺耆

忌服至收功

陽和湯

通用五

犀黃丸

通用四八

紫元丹

通用五一

千金內托散

通用三八

十全大補湯

通用六

加味保元湯

通用二九

陽和解凝膏

通用七七

繃縛法

通用法

流注

凡人之血氣晝夜流行周而復始自無停息或因寒痰或因風溼稽留于肌肉之中致令氣血不行合而為患故曰流注初起漫腫無頭皮色不異患無定處隨在所生板腫微疼或兼身體發熱當未作膿時用加味二陳湯入陽和丸同煎數服全消消後接服小金丹七丸杜其

續發如皮色稍變疼痛難忍者須用陽和湯以止其痛
消其未成膿之餘地使已成膿者不痛而潰此乃大疽
變小之法也如患頂輒已有膿卽爲鍼之膿多白色貼
陽和解凝膏但此證潰後定增毒痰流走患生不一故
初潰五日內仍服小金丹十丸以杜後患接用犀黃丸
陽和湯每日早晚輪服使毒痰消盡收功

孩子不能服煎劑者初起用小金丹化服至消乃止既
潰亦以小金丹日服消其餘輒之地至患不疼時鍼
之俟其毒盡用保元湯耆草生用加肉桂五分日服收功

孕婦患之當問懷胎月數如未滿六個月犀黃丸內有

麝香不可服只宜陽和湯愈之愈後再服三四劑以代小金丹杜其流走

潰延日久病人脾虛氣滯者先服六君子湯加芎歸數

劑薄尤生用待其飲食復常再按前治

陽和丸通用陽和湯通用加味二陳湯通用

犀黃丸通用小金丹通用六君子湯通用

保元湯通用陽和解凝膏通用

痼發

此證多生于手足掌心或腰骶臂下伸縮動處疼如痛風漫腫無頭其色淡紅憎寒發熱四肢沈重煩渴由平素

好飲毒壅經絡治宜疎利溼熱用散消飲去川芎柴胡
加葛梗微汗之敷赤豆散如表解則用加味解醒湯少
加乳香沒藥消之潰後亦然貼洞天膏

一由感受天地不正之厲氣壅遏肌表宜用不換金正
氣散煎送五通丸發汗解表外敷沖和散表退而作
膿潰者內托散醒消丸主之貼洞天膏

按幼科鐵鏡痛風之證卽痼發也其書云四肢上或身
上一處腫痛或移動他處色紅參差成塊腫起按之
滾熱便是治用羌活獨活五加皮威靈仙秦艽防風
桂枝前胡如下身加牛膝各一錢煎服數劑卽愈按此方甚

佳但遇好飲酒者患
此去桂枝易白芷

曾醫邑庠生方相幼子左手右足各曲貼肉處痛屈不
伸用前方煎服五劑愈如大人須用酒煮每夜儘量
飲每味一兩五錢煮酒五六斤飲畢即愈此子創方
屢效不爽

加味解醒湯

葛根三錢

茯苓二錢

木香五分

砂仁一錢

人蔘一錢

白朮生

陳皮

神麴炒

豬苓

澤瀉各一錢
五分

右水煎二次服

一方有枳椇子以解酒毒

赤豆散

赤小豆

右一味磨粉蔥汁調敷

此方治一切癰毒以雞子清調或醋調俱妙又用敷疔腮神效

不換金正氣散

見後瘡疽

五通丸

通用五十

散消飲

通用十一

千金內托散

通用三十八

醒消丸

通用四十七

洞天膏

通用七十六

惡核

大者稱惡核小者稱痰核初起堅鞭不痛與石疽之起相同然其寒凝甚痼毒根最深卻不易潰未潰之前忌貼涼膏藥忌服涼劑宜用加味二陳湯入陽和丸煎服或陽和湯犀黃丸煎服至消乃止大忌開刀開則翻花難

治如有翻花者用大蟾破腹刺數孔連腸雜葢患口拔毒輒肛內服溫補托毒消痰之劑犀黃丸收功如孕婦惟用陽和湯服之

外治方 存驗

用大田螺數個搗爛敷之即消

加味二陳湯 通用十八

陽和湯 通用五

陽和丸 通用六

犀黃丸 通用四十八

癭瘤

大者爲癭小者爲瘤癭證蒂小而下垂瘤證頂小而根大癭多生于肩項兩頤瘤則隨處可生諸書雖有五癭六

癰之名類要皆七情六慾臟腑受傷經腠乖變氣凝阻
逆所致癰證易治癭證鮮有瘥者癭證內用開結散內
府神效方外用蛛絲纏法或甘草縮法緩緩消磨亦能
縮愈切勿輕用刀鍼致血出不止立見危殆

癰證惟粉癰最多其色粉紅多生耳項前後亦有生于
下體者乃腠理津沫偶有所滯聚而不散則漸成此
癰也治宜鍼破擠出脂粉用生南星大黃等分爲末
以白玉簪花根搗汁調敷之然每有愈而復發者乃
內有疔囊化淨膏貼生肌自愈

又有黑沙癰多生臀髀其腫大小不一以手攝起內有

黑色者是亦用鍼刺出黑沙有聲輒輒不等

又有髮癰多生耳後髮下寸許輒小高突按之不痛亦用鍼刺之粉髮齊出

又有蟲癰發後其痒徹骨開破出蟲無數內有極大一蟲出之方盡此三者皆同粉癰治法或用艾灸之亦可

又有蟲癰每生脇下本憂鬱結成治難獲效

又有貼骨癰貼骨而生極疼痛用枸杞根連皮骨野菊
花根連皮骨切片曬乾以多爲妙再加地丁根同煎
一服卽愈

又有胎瘤初生小兒頭上胸乳閒腫起大者如鰻首小者如梅李乃胎中瘀血凝滯而成不可亂治法須待兒滿三五個月外方可用鍼刺破出如赤豆汁內以生地黃汁飲之即安

開結散

橘紅 四兩 沉香 木香 各二錢

珍珠 四十九粒小者加倍入沙罐內鹽泥封固煅赤取出去火毒用

豬厭肉子 四十九枚豚豬生項閒如棗子者

右爲末每服一錢臥時酒調徐徐嚥下患小三五服愈大者一料可愈切忌酸鹹油膩滯氣之物須擇除日

於靜室修合

內府神效方

海藻洗

昆布洗

海帶

海粉飛

海螵蛸

海螺頂上搖者用長螺不搖者用海螺

右各等分研細末蜜丸龍眼大每臥時噙化一丸如神

係內府傳方

蛛絲纏法

取蛛絲撚成粗綫纏紮患根數日其絲漸緊癰根漸細屢易屢細不半月癰自脫按諸綫日鬆惟蛛絲日緊物理之妙有當格致者

甘草縮法

甘草煎膏以筆塗患四圍三次後另用芫花大戟甘遂等分爲末醋調另用筆塗患之中心勿近甘草次日縮小復以甘草膏塗其中將芫花大戟甘遂末塗其外二藥俱不可相近日日互塗自然縮愈

治癰妙方 存驗

用麝香數釐重一整塊安放癰當中上加蘄艾綠豆大一丸灸之不起泡不破癰自乾退如舊

遍身痰癰作痒主治方

用肥阜角二斤去邊皮以滴醋十斤徐徐熬添成膏

攤貼

又方

用生南星末醋調或玉簪花根汁調敷之

疣 一名枯筋箭

初起如赤豆漸漸微槁日久破裂鑽出筋頭蓬鬆枯槁如花之藥多生于手足胸乳之間係肝虛血燥筋氣不榮治宜滋腎水以生肝血潤風燥以榮筋氣歸芍地黃湯加牛膝川芎主之或爲丸常服外用銅錢一個套疣上以草紙穰代艾作七糾灸之次日卽落如疣大者則將草紙醮溼套在疣上或灸十四糾斷無不下之理然不

可專用外治雖暫愈亦必復發

附方 存驗

用牛口涎塗之自落

歸芍地黃湯

通用三七

瘡疽

瘡疽者因受山嵐瘴氣伏藏筋骨之間初發黑色頑痺如木石重按之微痛亟用不換金正氣散加附子服之自可消散如遷延浮腫變青色如拳打之狀寒戰似瘧手足厥逆此爲敗證難治須用砭法令出惡血以熟附子三錢生薑五錢煎服接按陰疽則例治法

不換金正氣散

蒼朮

二錢 泔浸炒

藿香

二錢

厚樸

二錢 薑炒

陳皮

二錢

半夏

二錢

炙甘草

一錢

右加生薑五片紅棗二枚水煎服

癰疽

一名蛇瘡

初起紅點次變黑色其形小者如粟豆大者如桃李發無定處疼痛應心剝破膿如豆汁腐爛筋骨川廣煙瘴地面有之用南星半夏白芷等分生研末菜油調敷內以不換金正氣散加入仙方活命飲服之遲治妨命

仙方活命飲

通用

不換金正氣散

見前

痘毒

附痘風瘡 痘癰 痘後發斑

孩子因出痘服多涼藥血凝氣滯乘虛發毒漫腫不紅亦無焮痛醫多以痘後火毒未盡治之致流走患生不一久則生管成漏內生多骨凡遇此證宜按流注治法宜小金丹消之然亦有火毒未盡而發者其發必紅腫焮痛身熱口渴是不得不用清解敗毒湯加荊芥防風蟬衣柴胡主之服一二劑外以三豆散敷之則紅退腫消而愈如潰者用內托散貼洞天膏

痘後發瘡痒痛者三豆散敷之妙

痘後遍身瘡癬如疥如癩漸次延開脂水浸淫結痂成

片名痘風瘡先用升麻葛根湯一二劑接用解毒防風湯苦瀉丸每日輪進外以滲溼救苦散搽之兼避風戒口自愈如日久失治膿血淋漓浸淫潰爛肌無完膚卽成痘癩須以大補氣血爲主兼以解毒防風湯苦瀉丸隨宜酌用

痘後發丹瘤紅腫作痛手不可近流移上下過心腎則死小柴胡加生地黃湯主之外用砭法砭去惡血自消

痘後發斑但紅不腫不痛者是也化斑湯主之
升麻葛根湯

葛根

升麻

白芍

甘草

各等分

右水一盞煎七分去渣服無時

解毒防風湯

防風

二錢

地骨皮

三錢

生黃耆

荊芥穗

牛蒡子

各一錢

右煎服或加升麻五分

苦蘗丸

苦蘗

一兩

白蒺藜

何首烏

牛蒡子

荊芥穗

各五錢

右水煎服

小柴胡湯

柴胡

人蔘

黃芩

各三錢

炙甘草 二錢

半夏

製

大生地

各二錢

右爲粗末每服三錢水一盞薑三片棗二枚煎至半盞

去渣溫服

化斑湯

人蔘

甘草

各一錢

石膏

生地

各五錢

知母

元蔘

各三錢

糯米

一合

右水煎待米熟去渣頻頻溫服無時

三豆散

黑豆

綠豆

赤小豆

等分

右爲粗末醋調如黏敷之乾則以鵝翎醮醋時時潤之

治痘癰其效如神

糝溼救苦散 一名滅斑散

蜜陀僧

生白芷

滑石

等分

右研細末乾者白蜜調搽溼者乾糝

小金丹

通用
五二

敗毒散

通用
二

內托散

通用
三八

洞天膏

通用
七六

砭法

通用
法

火赤瘡

附天泡瘡

初起小如芡實大如棊子燎漿水泡色赤者爲火赤瘡頂

白根赤者名天泡瘡或生頭面或生遍身焮熱疼痛未破不堅泡破毒浸爛不臭乃太陰陽明風熱所致宜服

仙方活命飲

去阜刺山甲加片苓木通

外以石珍散搽之自愈天泡

瘡由風熱毒氣客于皮膚搏于血氣而生始如湯燙作

泡一破漿出成瘡治用生地升麻山梔藍葉大黃

各一兩

剉碎用豬油

八兩

文武火煎色變去渣瓷器盛之塗患處

石珍散

生石膏

一兩

輕粉

黃檗

海螵蛸

各五錢

右共研細甘草湯淨洗以此糝之

仙方活命飲

通用

貓眼瘡 一名寒瘡

初起形如貓眼光彩閃爍無膿無血但痛痒不常由鬱熱被外寒凝結而成宜敷真君妙貼散多食雞魚韭蒜自愈

真君妙貼散

蕎麥 一兩

硫黃 二兩

白麴 一兩

右共一處清水拌乾溼得宜趕成薄片微曬單紙包裹風中陰乾取研細末麻油調敷

魚脊瘡

初起白鞭泡漸長形如魚脊多生筋骨之間乃陽氣虛羸

寒溼搏結故發常緩慢只在皮膚堅凝響痛破津黃水無論已破未破俱宜隔蒜灸之外敷真君妙貼散內服

小金丹

小金丹

通用五十二

漆瘡

漆瘡由人腠理不密感漆辛熱之毒而生初痒而腫抓之漸如癰疹色紅徧傳肢體焮赤皮破斑爛流水甚者寒熱交作宜取杉木屑煎湯洗之用乾蟹黃滑石二味研細末白蜜調敷或卽以生蟹黃塗之不數次卽愈

胃弱之人漆瘡浸犯中氣多有作嘔不能飲食者用六

君子湯加砂仁藿香酒炒白芍煎服自安忌水浴油

膩發物

六君子湯

通用
二十一

凍瘡

觸犯嚴寒之氣傷及皮肉致氣血凝結初起紫斑鞭腫殭木不知痛痒名曰凍瘡宜用陽和解凝膏貼之若因暴凍著熱或火烘或湯泡必致皮死潰爛亦用此膏貼之三張可愈

有凍跟凍耳每遇冬寒則發者用茄楷同葱煎湯浸洗便不再發

凍瘡經年不愈者用獨勝膏塗之效

獨勝膏

於六月初六十六二十六日用獨頭蒜杵爛日中曬
熱塗搽于凍發之處卽于日中曬乾忌下湯水

陽和解凝膏

通用十七

血風瘡

燥熱內淫風邪外襲風溼相搏發爲疙瘩或如粟米搔痒
無度破浸脂水津淫成片小便不調心煩口渴夜熱內
熱日輕夜重治宜滋血潤燥驅風十二味地黃飲主之
外敷雄黃解毒散或繡毬丸亦妙忌椒酒雞鵝動風等

物

十二味地黃飲

大生地

六錢

當歸

生黃耆

各三錢

何首烏

五錢

地骨皮

三四錢

丹皮

荊芥穗

白芷

各一錢五分

白芍

酒炒

白殭蠶

白蒺藜

麥冬

各二錢

右水煎早晚服

又血風瘡方

用土內桑根白皮桐油腳共搗敷之三四次神效

傷手瘡方

用黑豆熬水常常洗之即愈

雄黃解毒散

雄黃

寒水石

各一兩白礬

右共研細末滾水調敷溼爛者乾撒

繡毬丸

見後疥瘡

癬

初起如錢漸漸增長或圓或歪有匡廓痒痛不一其證有
六一日乾癬搔痒則起白屑索然凋枯二曰溼癬搔痒
則出黏汁浸淫如蟲行三曰風癬卽痒久不愈之頑癬
搔之痺頑不知痛痒四曰牛皮癬狀如牛領之皮厚而
且堅五曰松皮癬狀如蒼松紅白斑點相連六曰刀癬

輪廓全無縱橫不定總由風邪溼熱浸襲皮膚鬱久而
化蟲是以搔痒無休矣宜用殺蟲滲溼逐風之藥輕者
繡毬丸搽之重者槿皮酒搽之年久陰頑惡癬諸治不
效者鮮角膏五倍膏隨宜敷之忌動風發物自無不愈
一吹花癬生面上如錢搔痒抓之如白屑發于春月故
俗名桃花癬婦女多有之用綠豆搗碎將紙蒙碗鍼
刺數小孔將豆放紙上以大炭火一塊燒豆灼盡紙
將焦卽去豆揭紙碗中有水取塗三五次愈

又方生

白果仁切片頻頻搽之或用玉蓉散淨面亦妙

一胎癬

俗名奶癬

生嬰兒頭面或生眉端搔痒流脂成片臥

則延及遍身宜用紋蛤散搽之或繡毬丸亦效乳母
須忌一切動風溼發物

槿皮酒

白槿皮

南星

檳榔

各一兩

生木鼈

樟腦

各五錢

斑蝥

三十個

蟾酥

三錢

右各爲粗末其浸入滴花燒酒一斤聽用遇癰先用穿
山甲刮破以酒擦之一日一次至愈乃止

鮮角膏

五月初旬取新鮮阜刺數斤搗爛入鍋熬汁汁濃瀝
出易水再熬二三度去渣以汁其歸一處加醋慢

熬成膏凡遇積年惡癬先刮破以膏敷之毒水流盡再敷數次全愈

五倍膏

五倍子不拘多少研碎以陳米醋熬成膏遇多年頑癬先抓破以膏敷上乾則加敷以不痒爲度然後去藥則其患處之皮一同黏起盡除根矣

紋蛤散

紋蛤

四兩

川椒

三兩

輕粉

五錢

右先將紋蛤打成碎塊鍋內炒黃色次下川椒同炒黑色煙起爲度入罐內封口存性次日入輕粉研爲細

末香油調搽一方有白礬五錢

繡毬丸

見後
疥瘡

玉容散

見面部
面塵

疥瘡

疥證有五乾溼沙蟲膿也皆由氣虛血熱榮衛不清之故
每先從手丫生起延繞周身搔痒無度如燥盛則生乾
疥搔之皮枯而起白屑溼盛則生溼疥暴腫作痛破津
黃水甚流黑汁血熱凝滯則生沙疥形如細沙焮熱痒
痛抓之有水溼熱相搏則生膿窠疥形如痘粒頂含膿
水或稠或清痛痒相兼若蘊毒風溼化生則生蟲疥搔
徹骨撓不知痛夫疥雖似有餘之證而恆患于不足之

人故治不可專攻其有餘尤當先顧其不足壯盛人初發時可用荆防敗毒散透之若其形勢既成無憎寒發熱之證則不用治乾疥沙疥以當歸飲子主之溼疥膿疥以黃耆飲子主之俱洗以薄荷湯搽以繡毬丸其溼爛痛甚者搽以二黃丹皆獲效至于日久生蟲皆因溼熱所化清其溼熱則蟲不驅自滅內服苦瀉丸外敷金銀散自愈卽繡毬丸擦亦效

一有經久不痊體虛極而瘡之甚者內服神仙棗外敷二黃丹可愈

一小兒疥瘡用藁本煎湯洗浴並浣衣最妙

一瘡愈後及年年發者用獨聖丸常服調理最妙

當歸飲子

當歸 三錢

生地黄 四錢

白蒺藜 去刺 荆芥

赤芍

連翹 去心

金銀花

殭蠶 各二錢 生研

右加竹葉五片水煎食遠服乾疥加丹皮 二錢 沙疥加

枯苓 一錢 五分

黃耆飲子

生黃耆 四錢

荆芥穗

雲苓

歸身 各二錢

忍冬 三錢

防風

白芷 香者

連翹 各一錢 去心

甘草 八分

右加大棗十枚水煎溫服溼疥加製乳香

一錢五分

膿窠疥

加木通

一錢五分

神仙棗

歸身

一兩

金銀花

一兩

甘草

三錢

白殭蠶

白芷

黃耆

各五錢

紅棗

二斤

右水六碗共煎三碗渣如前再煎其湯六碗去渣以湯棗勻四五日食食完全愈

獨聖丸

荊芥

連穗

右一味爲末用地黃自然汁熬膏爲丸桐子大每服三

錢茶酒任下服此須忌魚蟹

繡毬丸

川椒紅

輕粉

樟腦

雄黃

枯白礬

水銀

各二錢

大楓子肉

一百粒另研

右共研細末同大楓子肉再研勻加柏油

一兩五錢和藥攪

勻作丸如圓眼大先以鼻聞次搽患處

薄荷湯

苦薺

一兩

花椒

三錢

右用米泔水煎候溫洗之洗後避風拭乾搽藥

二黃丹

孫真人方

黃壁

五錢

輕粉 一錢

右共研末雞子黃熬油調搽凡疥瘡膿窠痛甚者宜此搽之止痛立愈

荆防敗毒散

通用

金銀散

通用

苦蘗丸

見前痘毒

瘡癤

凡患瘡誤用攻劫之藥致毒氣入內腹大脹滿名曰瘡癤
棗蠶丸主之如痛勢危篤不及合丸者當覓大蟹四五
隻約重斤餘令其白湯煮食飲酒蓋暖而臥不兩時身
上發瘡更很于前則癤全消矣再按瘡治蓋瘡癤死證
也瘡易愈也不可畏其發而自貽伊戚也

東蠶丸

白殭蠶

紅棗

各四兩

右先用水煮紅棗一二滾取湯洗蠶棄湯以棗去皮核搗爛將蠶曬乾爲末二兩同棗搗和爲丸每服三錢早中晚仍用紅棗湯送服三次服完全愈

傲冬瘡

凡人每至秋冬項背或周身發瘡如疥如癬或如疙瘩作痒浸水結痂至交春暖卽愈名傲冬瘡此寒氣收斂腠理陽氣不能發越怫鬱而作也宜以荆防敗毒散解表再以補中益氣湯實表外搽繡毬丸卽愈

荊芥敗毒散

通用

補中益氣湯

通用

繡毬丸

見前
疥瘡

癰

溼熱怫鬱先見紅暈次發腫痛患不滿寸名曰癰毒解暑湯主之初起以發麪一塊調稀貼癰上中雷一孔即消或以點毒丹點之亦消如潰膿作痛者貼洞天膏

一頭上輭癰大芋頭搗敷妙

一瘡癰久不收口用白木槿花煨存性為末糝上神效

又方用鼈甲燒存性研末摻之亦效

解暑湯

連翹

金銀花

赤芍

天花粉

滑石

飛

車前子

炒研

甘草

澤瀉

右加淡竹葉十片水煎溫服無時

按此方清暑利溼凡男婦大小無論有癰無癰時逢
酷暑俱宜服之

又按天時炎暑酷熱人未有不傷其正氣者故凡解
暑用之更加蜜炙黃耆五七錢以助益元氣尤妙
名爲黃耆解暑飲如癰毒潰膿亦可加生耆與羣
藥等分用

點毒丹

黃檗研極細末入雄豬膽汁調如黏凡熱癰初起未

出頭用少許點癰中間即消

飛龍丹

寒水石 三錢

血竭

沒藥

去油

紅砒

三分

乳香

去油

膽礬

雄精

蜈蚣

三錢
去足

銅綠

穿山甲

全蝎

酒炒

殭蠶

各一錢

硃砂

枯白礬

皂角刺

冰片

輕粉

各三分

右各製爲末用蟾酥

三錢

酒化其搗爲丸胖綠豆大金

箔爲衣每用蔥白裹一丸嚼爛酒下醉蓋取汗小癰
初起時即全消白疽忌用

痈癰

俗名痈子

夏月汗溼拂鬱毛竅發痈如疹用綠豆粉

一兩

滑石

五錢

輕粉

二錢研和勻以軟絹醮撲患處或以東壁土研細搽之

痞痛

一名鬼飯疙痞
俗名風乘疙痞

初起皮膚作痒次發扁疙痞形如豆瓣堆疊成片由汗出
乘風或夜受露風溼相搏而發表虛人多患之宜用荆
防敗毒散去前胡獨活加桂枝白芷石膏汗之謹避風
涼卽愈外取百部根浸燒酒以藍布醮搽之

荆防敗毒散

通用

葡萄疫

外科證治全書

卷四

發無定處證

三

此證多生于小兒蓋感四時不正之氣鬱于肌膚不發發成大小青紫斑點色若葡萄頭面遍身隨處可發身熱口渴者羚羊角化斑湯主之不渴倦怠者補中益氣湯加生地主之

一有邪毒傳胃牙根腐爛出血者內用羚羊角化斑湯去蒼朮加升麻葛根服之外搽珍珠散

羚羊角化斑湯

羚羊角

八分

石膏

三錢

知母

人蔘

甘草

元蔘

防風

蒼朮

牛蒡子

各一錢

右加淡竹葉十片水煎六分食遠服

補中益氣湯

通用三十

珍珠散

見喉部喉癰

赤白游風

肌膚初起霞暈由小漸大浮腫成片或高纍如粟發熱痛
痒相兼游走無定赤曰赤游風白曰白游風白屬氣赤
屬血得風則游行初俱宜荆防敗毒散疎解之赤者次
服四物消風飲白者次服補中益氣湯更加防風蟬衣
蘇葉鮮首烏外皆用廣膠燉鎔塗之塗至愈乃止如游
行太速者須用生麻油塗患處砭之以洩其毒凡從背
腹游散四肢者順從四肢游入胸腹者逆忌豬羊雞鵝

魚腥一切動風燥血之物

一小兒赤游丹由胎中受毒多先患于骸紅腫成片游走遍身必死治法必先用細瓷鋒竹箸破開夾瓷鋒砭去毒血取哺雞蜃殼內臭水拂上一二次卽愈或以廣膠鎔塗亦可倘延遲愛惜不砭者不救服藥如前

荆防敗毒湯

通用

四物消風飲

通用

補中益氣湯

通用

癰疹

紅色小點有窠粒隱行于皮膚之中而不出者是也屬心

火傷血血不散傳於皮膚四物消風飲去柴胡加連翹

木通主之

四物消風飲通用

癰瘍風

多生于頸項胸腋之間其色紫白點點相連成片如糙皮
卻不延蔓亦無痛痒由邪風入于肌膚居久不散而成
用加味二陳湯加荆芥防風蟬衣各二錢川芎一錢酒水各
半煎服外以荆芥煎湯洗之數雄蛇散即愈

雄蛇散

雄黃 一錢 蛇蛻 一條煨存性

右共爲末麻油調敷

加味二陳湯

通用十八

紫白癍風

俗名汗斑

初起斑點游走成片久之可延蔓遍身初無痛痒久則微痒由汗衣經曬著體或帶汗行日中暑溼浸滯毛竅所致白因氣滯紫因血滯俱用五神散薑醪搽之搽後漸黑次日再搽至黑退便愈此證古方治法雖多取效甚少得此證者忌食魚腥火酒動風發物

五神散

雄黃

硫黃

黃丹

蜜佗僧

南星

右爲細末先用蔥搽患處次用薑醯藥末搽之搽後漸黑搽至黑散則愈

白疔 一名疔風

皮膚燥痒起如疹疥而色白搔之屑起漸至肢體枯燥坼裂血出痛楚十指閒皮厚而莫能搔痒因歲金太過至秋深燥金用事乃得此證多患于血虛體瘦之人生血潤膚飲主之用生豬脂搽之

生血潤膚飲

見面部游風

血箭

一名肌衄

血從毛孔中射出如箭由心肺火盛逼血妄行于外宜服
涼血地黃湯外用生豬肉一片貼之其血卽止或以京
墨研末醋調塗亦愈

涼血地黃湯

生地

錢三五

黃連

一錢

當歸

錢一錢五分

甘草

梔子

元蔞

黃芩

各一錢五分

右水二鍾煎八分量病上下食前後服之

血痣

初起紅痣漸積大如赤豆觸破則血出不止欲死係肝經
怒火鬱血用五靈脂研末摻之卽止內服加味逍遙散

加味道遙散

通用十六

五竅出血

耳目口鼻一齊出血藥不及煎死在頃刻先將水當面噴幾口急分開頭髮用粗紙數層醮醋令透搭在顙門血卽止次用當歸一兩煎汁磨沈香降香各五分加童便服血自歸經然後以四物湯加人蔘五味爲丸服愈

血汗一名衄溢

周身毛竅汗出如血蓋心主血又主汗虛極有火則見血汗衄溢湯主之如搔痒血出不止用糞桶箍燒灰敷之凡人夾肢窩出汗衣服染黃者亦爲血汗因虛而致

脈溢湯

人蔘

黃耆

歸身

扶神

麥冬

石蓮肉

生地黃

五味子

硃砂

右或丸或煎俱可如煎則以硃砂和服

痛風

痛風卽痛痺周身痺痛或手足不仁遍身麻木皆由血虛
風溼凝滯用祛風逐溼散每服二錢好陳酒送下隨量
飲醉暖臥取汗服至痛處更痛頭眩背汗昏沈片刻卽
定定則全愈服後不覺痛麻連服數劑至知覺乃止

祛風逐溼散

番木鱉

製淨末

穿山尾甲

製淨末
三錢

熟附子

桂枝

當歸

延胡索

各末
一兩

右一處研勻每服二錢陳酒調下盡醉取汗

小兒胎風 一名胎赤

嬰兒初生身熱皮紅狀如湯潑火燒由孕母過食辛香熱物致兒脾胃積熱乳母宜用清胃湯嬰兒亦用少許外用煨石膏研細敷之如不熉赤卽屬胎母脾虛用白晚米粉乾揉或敷之忌服煎藥

一有兒大能食米麪而身熱皮紅者係臟腑熱蒸溼氣

外乘之故名玉爛瘡用螬蛸散蜜水調敷內服導赤湯

清胃散

見齒部走馬牙疳

螬蛸散

通用六十八

導赤湯

通用十

庠風

遍身搔痒並無瘡疥搔之不止肝家血虛燥熱生風不可妄投風藥養血定風湯主之外用地膚子蒼耳葉浮萍煎湯暖浴

養血定風湯

生地

五錢

當歸

三錢

赤芍

二錢

川芎

五分

天冬

二錢

麥冬

二錢

僵蠶

二錢生研

鮮首烏

五錢

丹皮

一錢五分
或二錢

右加桑枝二十寸水煎溫服無時或爲丸服亦可

內景證治

肺癰

息賁

伏梁

痞氣

肥氣

奔豚

胃腕癰

腸癰

內景

肺 喉下爲肺在咽前主出氣喉系堅空接連肺管爲氣息之道路呼吸出入下通心肝之竅肺有兩葉白瑩謂之華蓋以覆諸臟虛如蜂窩下無透竅吸之則滿呼之則虛此肺之象也

心包絡 胸下謁肝卽心之位包絡捧護位居心之四旁卽兩乳之中膻中穴是也凡筋脈由胸下鬲自鬲貫胸

如肺心包絡脾肝膽腎七經筋脈皆從此過三焦脈亦布膻中

膈膜 人心下有膈膜前齊鳩尾後齊十一椎周圍著脊所以遮膈濁氣不使上熏心肺十二經脈惟膀胱脈不貫膜

三焦 膈下爲胃上口在臍上五寸上脘穴卽上焦臍上四寸爲中脘卽中焦肺脈起中焦在此臍上二寸爲下脘卽胃下口屬下焦

胃 胃者水穀之海五臟六腑之大源故胃氣爲一身之本咽下柔空下接胃爲飲食之路咽至胃長一尺六寸

統曰咽門下是鬲膜胃上口在鬲下曰賁門膈上二寸
卽胃下口曰幽門傳入小腸

脾 脾在胃左與胃同膜而附其上聞聲則動動則磨胃
食乃消化

大小腸 小腸在胃之左胃下口曰幽門卽小腸上口盤
十六曲至下口曰闢門分祕別清濁卽大腸上口大腸
卽迴腸當腑之左亦盤十六曲至廣腸廣腸卽直腸下
至肛門

肝膽 包絡下有鬲膜肝在鬲膜之中有獨葉者有二三
葉者其系上絡心包爲血海下無竅肝短葉中有膽附

焉膽有苦汁藏而不洩

腎 腎分左右一身之中有命門附脊骨對臍其右旁一小竅乃三焦之氣所自出卽先天無形之火曰腎間動氣左旁一小竅乃真陰水氣所自出亦無形隨相火而潛行周身以榮四末命門居於中各開一寸五分

膀胱 膀胱齊腰在廣腸左側乃津液之府五味入胃其津液上升精者化血脈或骨髓餘濁流入下部至小腸下口曰闌門祕別其汁渣穢入大腸汁滲入膀胱膀胱赤白瑩淨上無所入之竅止有下口全假三焦氣化施行洩便注瀉三焦氣餒則閉隔不通而爲病

肺癰

人身之氣稟于肺肺氣清肅則周身之氣莫不服從而順行肺氣壅濁則周身之氣易致橫逆而犯上故肺癰者肺氣壅而不通也其候咳嗽項強胸脇脹滿呼吸不利咽燥作渴兩腳骨內痛而舌下生如細豆一粒再心口之上隱隱內作微痛此皆肺中生毒之徵也卽用甘桔湯服之服下如覺稍安肺之患毒無疑矣以犀黃丸十服分十日同桔梗湯早晚輪服全愈此是預識預治之法若見腳痛醫腳咳嗽醫咳遷延日久膿成肺壞多致不救且如舌下一粒患未成膿其色必淡患愈亦消患

篤其色紫黑倘用刀點立死此證吐出膿色皆白稠濁腥穢速用犀黃丸治之立效又方以陳年醃芥菜滷每晨用半茶杯滾豆腐漿沖服服則胸中有一塊塞上塞下塞至數次方能吐出惡膿日服至愈凡患此證者終身戒食鴨蟹白鯢紅蘿蔔石首魚甲魚食則復發莫治甘桔湯

生甘草

桔梗 各三錢

右水煎去渣溫服

犀黃丸

通用
四人

息賁

息賁肺之積也如覆杯氣逆背痛因肺虛痰熱壅結所致
忌服破氣辛熱藥調息丸主之

調息丸

海石

白豆蔻

橘皮

射干

紫苑

旋覆花

桑白皮

白芥子

桔梗

右爲末石碱水丸

伏梁

伏梁心之積也起臍下大如臂至心下久則令人心煩因
心經氣血兩虛以致邪留不去邪不外洩血與痰火鬱

則積聚不散忌熱藥破血汗下宜活血涼血散熱通結
震伏丸主之

震伏丸

鬱金

乳香 去油

沒藥 去油

五靈脂

當歸

延胡索

赤芍

遠志

石菖蒲

茯神

牡礪

右爲末酒丸

痞氣

俗名痞塊

痞氣脾之積也脾虛血瘀氣鬱患居中脘患處皮膚定無
毫毛須看準以筆圈記用消痞膏貼之初起貼膏一張

可消年久須貼兩張方消內服尅堅酒至愈乃止

一有痞塊成形如龜鼈狀乃病者食鼈肉積毒所致當用鼈甲膏醋炙脆和京三棱蓬朮青皮香附爲末烏梅醋煮搗丸酒下其物化血水從大便出

尅堅酒

水紅花

三錢
淨末

右用火酒二斤浸之時時呷服或用水紅花子熬膏每日取二錢酒化下

消痞膏

方有祕傳消痞膏香油斤許蜜佗熬

六兩再入阿魏錢五

羌活倍一兩水紅花子一兩

麝香三錢

調退火攤膏隨患

貼積年惡痞化全消

肥氣

肥氣肝之積也在左脇下如覆杯痛引小腹由氣血兩虛

逆氣瘀血相並而成宜和肝散積行血瘠肥丸主之

瘠肥丸

川芎一兩

當歸一兩

肉桂五錢

沈香五錢

紅花一兩

延胡索一兩

香附一兩

蓬朮五錢

赤芍一兩

青皮一兩

右爲末酒丸或醋丸每服二三錢

奔豚

奔豚腎之積也其積無形發于少腹上沖至心欲死若豚
竄奔突之狀復還乃止上下無時雖係腎邪必從驚恐
得之蓋驚傷心恐傷腎兩藏交病也水能勝火腎水陵
心治宜瀉腎補心桂枝加當歸茯苓湯主之

桂枝加當歸茯苓湯

桂枝

白芍

甘草

炙

當歸

茯苓

生薑

大棗

右水煎溫服

胃脘癰

胃脘脹痛心下漸高堅鞭拒按寒熱如瘧身皮甲錯飲食
不進或咳嗽或嘔膿唾血皆胃中生毒之證亟宜忍冬
湯犀黃丸早晚輪服愈之

忍冬湯

忍冬花藤

四兩

生甘草

三錢

右煎服能飲酒煎服

犀黃丸

通用
四十八

腸癰

患在小腹之內腹皮腫急按之如掌堅鞭而熱微痛小便
頻數汗出憎寒腹色如故或微腫脈緊實有力者是也

多因經行產後或七情勞傷飲食淤血積結所致用犀
黃丸薏苡仁湯輪服如膿成腹中脹痛裏急後重則以
薏苡仁湯加大黃一錢五分當歸三錢以下其膿接服蠟礬丸
收功患者若遇事驚恐動跳則腸斷而死坐臥轉側皆
宜徐緩防護少進薄粥靜養調攝庶可保生無虞臍間
出膿者不治

薏苡仁湯

薏苡仁

五錢炒

瓜蒌仁

三錢

丹皮

二錢

桃仁

二錢去皮尖

右水煎去渣溫服

犀黃丸

通用

蠟礬丸

備用方

腹内生瘡不可藥治者取阜鍼不拘多少好酒一椀
煎七分溫服其膿血悉從小便出極效不飲酒者
水煎亦可

奇疾證治

血擁

棠梨泡

肉人

肢癰

肉蝶

肉綫

產婦腹中痒

氣旋

氣奔

血擁

周身忽然肉如錐刺既痒且痛不能飲食名血擁用赤皮
葱燒灰水淋汁洗內服淡豆豉湯數盞即愈

棠梨泡

周身起泡如甘棠梨狀破則出水內有石一片如指甲其
泡復生抽盡肌肉則死亟用三棱莪朮各二兩爲末分三

服酒調連進卽愈

肉人

頂上生瘡如櫻桃有五色破則自頂分裂連皮剝脫至足名曰肉人逐日飲牛乳自消

肢癥

寒熱數日四肢堅鞭如石擊之如鐘磬聲日漸瘦損用吳萸木耳等分煎湯頻服

肉蝶

因艾灸瘡痂退落後瘡內鮮肉作片飛如蝶狀騰空而去痛不可言是血肉俱熱用樸硝大黃煨各五錢爲末水調

下微利即愈

肉綫

婦人產後垂出肉綫長三四寸觸之痛引心腹用老薑片

連皮搗爛入麻油

二斤

拌勻炒乾先以熟絹五尺摺作方

結令人輕輕盛起肉綫使之屈曲作三團納入產戶乃以絹袋盛薑就近熏之冷則再換一日夜縮入大半二日盡入但不可使綫斷斷則殞命

產婦腹中痒

婦人產後腹中作痒用箭竿及鏃安臥牀席下勿令婦人

知

氣旋

瘡後口鼻中氣出盤旋不散凝如黑色過十日漸至肩與肉相連堅勝金石無由飲食用澤瀉煎湯日食三盞連服五日愈

氣奔

人忽然周身皮裏混混如浪聲痒不可忍抓之血出不能解用苦蕒人蔞細辛青鹽

各一兩

水煎慢慢飲完即愈

怪蟲證治

號蟲

厲蟲

紅綫蟲

續命蟲

溼蟲

腐蟲

肉蛆

信蟲

月望蟲

號蟲

蟲形如蟹爲筋肉所化走於皮中作聲如兒嘯用雷丸雄黃等分末摻豬肉上炙肉食之卽愈

厲蟲

臥時忽渾身蟲出約至四五升致血肉俱壞每宿漸多痛痒不可言狀惟喫水臥牀晝夜號哭舌尖血出不止身

外科諸論全書卷四
齒俱黑唇動鼻開但飲鹽醋湯十餘日即安

紅綫蟲

遍身皮內有紅蟲如綫長二三寸時或游動瞭瞭可見痒不可當醫莫能治宜用水蛙爲脯早晚食之月餘蟲乃自消

續命蟲

肚腹脹大肉中蟲出不斷斷之復生行坐不得用鶴蝩末水調服五錢自愈

溼蟲

腹中脹如鐵石臍中出水旋變作蟲行之狀繞臍周身扒

搔不盡用蒼朮濃煎湯浴之仍以蒼朮細末入麝香少許調服

腐蟲

口鼻出腥臭水以碗盛之狀如鐵色蝦魚走躍捉之卽化爲水此肉壞也但多食雞臙卽愈

肉蛆

頭皮內時有蛆行用竹刀割破以絲瓜葉擠汁搽之蛆出盡愈

信蟲

婦人每臨經時腰腹脹痛玉戶淫淫蟲出如鼠黏子狀綠

色者數十枚後經水隨至蓋厥陰風木生蟲婦人血海屬於厥陰此風木自盛兼脾胃溼熱而化正如春夏之交木盛溼盛之時而生諸蟲是也用酒製黃連爲君白朮香附爲臣研末粥丸空腹吞之月餘則經至無蟲矣

月望蟲

婦人月經流出皆作禽獸之狀欲來傷人先以棉塞陰戶用沒藥一兩白湯調頓服愈

外因雜傷證治

金瘡

刎傷

跌撲損傷

杖傷

夾傷

樛傷

踢傷

湯火傷

鐵木刺入肉

人齧傷

熊虎狼齧傷

馬齧傷

犬齧傷

豬齧傷

貓齧傷

鼠齧傷

蛇齧傷

蚯蚓傷

蜈蚣齧傷

蝎螫傷

射工傷

蠅螬蟲傷

蜘蛛齧傷

天蛇齧傷

羊犢子螫傷

蜂螫傷

蠶齧傷

壁虎齧傷

蜈蚣齧傷

馬蟻齧傷

蟻螫傷

沙蟲傷

石蛭傷

辟蚊

辟蟲

辟蛇蟠

辟臭蟲

金瘡

金瘡有刀斧箭鏃傷瓷鋒傷須看傷痕深淺總以止血定痛爲主輕者皮肉破損出血不止用勝金散或必效散敷之重者筋斷肉飛血流不住或瘀血不散箭頭不出昏暈疼痛則先以花蕊石散糝之並以熱童便調服一錢其瘀血化爲黃水倘血出過多其人面黃眼黑者則不可端攻瘀血宜用八珍湯急固根本加蘇木紅花調之可也更有血亡身體強痙口禁不能言似中風者只宜大補氣血按發痙治法救之若作中風治萬無一生

凡兵器所傷出血而渴甚者不可卽與飲食恐簇毛在

創內須食乾物並油膩切忌食粥血沸心必死所忌

有八一與二喜三大勞五安六熱七飲八酸一怒二笑三言四力五想六羹七酒八者

犯之未有不死者其不治之證有十一一曰傷腰戶

二曰傷臂中跳脈及脾中陰股三曰傷心及乳四曰傷尻五曰傷小六

曰傷五臟七曰出腦髓八曰腦破聲啞直視九曰傷處十曰血

不止前十一曰肌肉臭腐有一于此皆不能治除此當診

其脈血未出脈宜洪大血旣出脈宜虛細沈小者生

數實浮大者死血出過多而脈微緩者生勁急者死

一殺傷未透膜者急用乳香沒藥皆去油各末二錢和勻

外科諸症全書
卷四
三
以小便半盞酒半盞調末通口服患處以金瘡必效散敷之

一所傷瘡口出血不止者用水調千腳泥敷出血處四邊如傷頭面則敷頸周圍傷手則敷臂傷足則敷髀可以截住其血令不來潮其傷口得以用藥敷貼一金瘡久不合口用撮合散敷之

一箭入肉內鉗不出者用螳螂一個巴豆半個共研敷傷處微痒忍之候急痒時乃撼拔之以黃連貫仲湯溫洗海螵蛸末敷之或以花蘂石散敷患四圍鏤出亦可

一毒箭傷人最惡有二種交廣蠻夷用焦銅作箭鏃人若中之纔傷皮肉便悶腫沸爛而死急服金汁外以金汁搽之若金汁一時難得卽灌人糞汁並外敷之非此不能解毒也又一種是草烏膏喂塗箭鏃名射岡人若中之見血封喉而死急用藍靛汁一碗灌之外亦塗抹傷處如無藍靛則以青布漬汁飲之一法用黑大豆豬羊血內服外敷解毒亦效

一金瘡腹破腸出者看其腸若僅一半可治先以大麥煮粥取濃汁溫洗其腸用桑白皮尖茸爲綫蘸花藥石散縫腸傷口急于縫處塗活雞冠血隨以清油塗

腸令潤將腸輕輕納入腹中外用生人長髮密縫腹
傷口之裏肉畱外皮撒撮合散以待生肌斂口縫後
勿驚笑以米飲少少飲之漸增待二十日再喫濃粥
調理而愈

一耳鼻被傷落用人髮入陽城罐以鹽泥固濟煨過爲
末乘急以所傷耳鼻蘸藥綴故處以軟絹縛定

一筋斷用白膠香一味爲細末敷之或以旋覆草根搗
爛汁以筋相對而封之卽相續如故百不失一

一陰莖割去流血疼痛卽以所割之莖塗炙乾爲末酒
服每一錢

一指斷用真蘇木末敷之外取蠶繭包縛完固數日指接如故

金瘡必效散

龍骨

煨

乳香

製去油

沒藥

製去油

花藥石

火煨紅放地上冷定後再煨凡七次

真降香節

炒油乾碾細

紫草

各五錢

白芷

紫蘇葉

兒茶

各三錢

白蠟

一兩煨

麝香

三分

右共碾細末研勻瓷瓶密貯聽用

花藥石散

花藥石

硫黃

右罐盛鹽泥固濟火煅自辰至酉從下生火冷一宿次

早取出研細收貯每以末撒患處

研花藥石忌鐵器

勝金散

參三七

右一味磨粉米醋調敷潰者乾敷立愈

撒合散

真降香

五倍子

製松香

各等分

右共研細粉收貯聽用

勿傷

凡看此證不傷氣噪者易治然氣噪在食噪之中後或原

生左後右後故有左手剖者多傷氣嗓之說然左手用刀不知用力不知輕重其傷更重未有氣嗓斷而食類不斷如二嗓皆斷危險之證也治皆同法先用護管藥及紮法如法治之可愈但其脈洪大疾而無至數者脫證也若上護管藥後脈漸和平而靜者又屬可生大凡始終宜脈小而四至者是有胃氣易愈其結喉之間割在中三路若割在上下不能用紮法之處必死然上中下及兩旁可以用紮法者可救但視其輕重若何重者全在紮處得力上護管藥一復時方能接續此藥只可上一次接不接生死判矣接之後能低聲言語進湯藥

者生反此者莫救或半復時內湯藥漏出一半者俟次日必不漏而管接矣倘仍漏急用手解去加上護管藥亦必接矣總以頭一次上藥周密無滲漏之虞次日生死方定第三日口中不知松香味則管縫矣雖能飲食必以大便通過爲穩內以續筋養血去痰消食散瘀爲主後三方逐次服之忌食花椒生薑大蒜肚肺蓋氣血壅逆于肺宜瀉不宜補惟白水煮健豬肉腰子黑魚燉鯽魚甜醬油其菜蔬總不可煎炒

紮法

用舊包頭一個紮二寸半闊要平正以厚皮紙搓軟布

二層于包頭上再挑護管藥布于紙上量刀口深淺闊狹以藥布厚爲妙再布天鵝絨一層于紙上使先著喉管俟得暖而化黏貼其上以便連絡如無天鵝絨則用金毛狗代之著有膽力三五人將患者扶起正坐頭稍仰看其喉管端正上下相對將包頭之藥對正刀口一合而上不可走氣吹去藥末要緊頭伏稍低合定其藥不可搖動包頭連紮二道打結于項旁包頭要平正不可陷動刀口陷則內管撐開不連臨合口時以意消息內管對不對連不連方爲合法若偏脫則內氣不通矣又要先紮緊七八分少頃卽

鬆總要鬆緊得宜次用厚火紙半斤襯于腦後主扶立端正以白布綁紮二道打結項旁使頭不致仰側恐其項輟急臥于草地鋪上宜背後高枕頭中凹兩旁高使項常曲而不直俟新肉生時漸仰直可也頭漸有力去白布一道火紙輟翻轉再紮過大半日喉管將續加上止血生肌續筋骨藥再布天鵝絨一層于藥上如前上藥法紮法一樣亦止可上一次次日口中不知松香味內管已實矣則上生肌藥俟有大半新肉及新肉難生者上玉紅膏可望愈也然總以先接內管爲急其外止血生肌皆易耳

第一日服方

當歸

蒲黃

旋覆花根

續斷

山查肉

陳皮

牛膝

黃芩

劉寄奴

甘草

鬱金

各一錢

生地黃

三錢

川芎

五分

右水煎

第二日方

防噉

桑白皮

枇杷葉

去毛

黃芩

川芎

續斷

查肉

寄奴

生蒲黃

陳皮

川貝母

木瓜

各一錢

薏苡仁

麥冬 三錢

右水煎 嗽甚 加白前 五分 馬兜鈴 一錢

第三日服方 調理

當歸 茯苓 遠志 丹皮

橘紅 條芩 川貝 各一錢 薏苡仁 二錢

生地黃 麥冬 各三錢

右水煎 人虛 加玉竹 三錢 鮮石斛 北沙藁 各一錢 五味子 三錢

護管藥

松香 按法精治爲末 真參三七 切薄片曬乾爲末

鉤藤勾 微焙 茜草 末 天鵝絨

肉老鼠

無毛者三四個搗爛為餅貼板壁陰處風乾為末

右各製細末聽用每料用製松香

錢一三七分二肉老鼠

鈎藤

二分

茜草

二分

其為細末

一錢八分

再加天鵝絨

鉢內以紙蒙上中畱一孔乳槌入內搗極細為度

瓶貯凡用時記加天鵝絨不碾碎者一層于藥上使

先著喉管連絡也如無天鵝絨則以金毛狗毛代之

此方藥止六味功效如神但上一次生死判矣不及

上二次也

止血生肌續筋骨藥

上好明淨雞骨炭

在銀炭內揀如中指麤者為極細末

生嫩松香

輕手研入金毛狗同研多用毛則易連絡

右二末等分和勻用時亦布天鵝絨一層于藥上如前

上藥法紮法一樣在大半日後喉管將續則加此藥

亦止上一次

生肌藥

生嫩松香

不拘多少量加金毛狗絨同碾細末一兩

真瓜兒血竭

碾細末一錢

乳香

碾細末三錢

右三末共一處細研勻上法如前此藥可常用冬天二

三日一換如新肉難生者更上玉紅膏無不愈矣

金瘡出血不止

蒲黃 五錢

爲末熱酒服或以牡礪粉敷之則止 又方 白蠟末敷之

血立止愈

箭鏃傷

海螵蛸末敷之愈

出箭鏃

白象牙末水調敷四圍自出花蘂石末敷四圍亦出

玉紅膏

眞麻油 二兩 煎滾去沫二三滾後入老黃蠟 一兩或冬

季止用攪化勻再煎五六次取起盛瓷器內置冷水

中攪三五遍出熱氣急入後細藥

輕粉末

八分

飛丹

三分

珍珠

生研極細末三分

黃檗末

生三分

象皮

陰陽瓦焙微黃見風稍脆卽研細末三分如無卽以象牙末代之

右五味細末共一處研勻入前臘油內不住手攪勻俟

冷瓷器收貯臨用以桑皮紙薄薄攤貼

跌撲損傷

凡跌打磕壓落馬覆車墜屋閃肭諸傷大小便通者輕不通者重初時不問老弱有無瘀血停滯及昏憤氣絕不能言者俱宜服熱童便一大甌以酒佐之推陳致新其功最大且不動臟腑不傷氣血萬無一失然後再看傷

之輕重按法治之如皮肉未破胸脇肚腹有作痞悶疼
痛者必是瘀血壯實人以復元活血湯攻之老弱人以
四物湯加桃仁紅花穿山甲補而行之外用生薑葱白
同搗爛和麴炒熱罨傷處仍多用炒熱者續易之止痛
如神如皮肉已破損傷筋骨血流不止而煩燥者名曰
亡血急用花蘂石散或金瘡必效散乾摻止血內以八
珍湯加酒炒骨碎補紅花續斷補之其有痛傷胃氣作
嘔或不飲食者以六君子湯加當歸木香調之其有傷
輕別無瘀血等證而肌肉作痛者以復元通氣散宣之
蓋有瘀血不先行散而加補劑則成實實之禍設無瘀

血而妄行攻利則致虛虛之禍故凡治此證須察其所患輕重有無瘀血及元氣虛實不可概行攻下致成敗

證焉

凡所傷筋斷骨碎等證另有接骨專科茲書不及詳載

一跌撲氣絕用仙人柴

即九里香葉

搗自然汁一杯灌下即

甦只心中微熱能受一點者無有不活

一骨節打斷離脫急取大生蟹搗爛熱陳酒沖入連服

數碗即大醉無妨外亦用敷傷處半日覺骨內有聲

按預收生蟹陰乾炙末酒服亦可

一跌撲筋斷用金沸草根

即旋覆草

絞取汁以筋相對以汁

塗而封之即相續如故百不失一須禁勞動二十七

日

一孕婦跌傷用阿膠

二錢歸身

一錢艾葉

一錢生地黃

三錢

續斷

二錢砂仁

八分

川芎

五分

紅花

三分

酒水各半煎服

一跌打破傷風發熱高腫甚至牙關緊急者用羌活防

風蒼朮

各一錢五分

白芷川芎甘草黃芩生地

各一錢

細辛

二分加生薑

三片

煎汁外用杏仁搗爛入白麴少許汲水

調敷

一跌撲極重大小便不通乃危急之候宜先用通導散

行下蓄血然後再進他藥

此證藥忌酒煎

復元活血湯

柴胡

一錢五分

當歸

三錢

穿山甲

炒研

天花粉

各一錢

大黃

三錢酒炒

桃仁

二十個

甘草

八分

紅花

八分

右酒水各半煎食前後服之以利爲度

復元通氣散

木香

茴香

炒

穿山甲

炙研

陳皮

白芷

甘草

漏蘆

貝母

去心

右等分爲末每服二三錢溫酒調下

通導散

大黃

生地黃

桃仁

枳殼

赤芍

當歸

各二錢

陳皮

三錢

木通

樸硝各一錢

甘草六分

右水煎熱服以通利為度切不可用酒煎令人悶絕而死

打傷眼睛方

打傷眼睛突出急揉進用生豬肉一片將當歸赤石脂末少許摻肉上貼之去毒血即愈

內麻藥

生川烏

生草烏各三錢

鬧楊花

醋炙七分半夏生五錢

黃麻花

一錢

蟾酥

酒化一錢

生南星

五錢

右芋苳葉汁拌上藥曬乾為末瓷器收貯每用八釐服

月沙鹽湯一柯自解

外麻藥名羊花散

生南星
生半夏 各二錢
鬧楊花
三錢
生川烏

生草烏
各一錢

右用麻黃根芋芍藥汁拌上藥末或加蟾酥分五雄黃少

許

桃花散
凡用刀割血出不止用此止之

古石灰
一升入牛膽內陰乾再入牛膽肉陰乾如

大黃
四兩切片同石灰入鍋內炒石灰桃紅色

跌破頭腦方

真綠豆粉銅鍋內炒黑鋪地上退火氣再敷破處用

包頭布包好避風數日愈

跌撲神效散 存驗

川烏 製

草烏 各二錢製

肉桂

紅花 各一錢七分

右其爲細末每服二錢酒調下傷重者不過三分卽愈

此方起死回生
活人千萬

接骨丹 存驗

取路旁牆腳下往來人便溺處年久碎瓦片一塊

黃透

者洗淨火煨紅入米醋淬凡五次刀刮細末每服

三錢好酒調下飲醉無妨傷在上食後服在下食

前服此乃神方極能理傷續斷屢驗

六君子湯通用 四物湯通用 八珍湯通用

花藥石散見金 金瘡必效散見金

杖傷

凡受杖後急以童便和熱酒飲之隨服邊城十二飲一劑外敷七真膏或棒頭丹傷重者先用熱豆腐鋪傷處其熱如蒸其腐即紫復易之令紫色散盡轉淡血色為度再敷上藥即愈如初時失治日久潰腐疼痛及形氣虛弱者則非補托不可宜用八珍保元之屬耆朮等生用 大脾氣以托氣血脾健則元氣日復肌肉自生可保無虞

卽或有瘀滯少加乳香沒藥宣之足矣

凡變證宜與跌撲傷損互參通用

一有情不得已事出不虞受害重刑難免者當預服鐵布衫丸可以受刑不痛卽縱有酷刑辱拷亦可無虞
又先一日前將生薑搽受刑處隨用生芋頭同半夏南星末厚塗之則不甚痛

一杖癰用海風藤元薄防風荆芥等分煎濃湯洗之痒甚者搽槿皮酒

一杖後發毒用五倍子一兩南星三錢半夏一錢血竭

一錢其爲末米醋調敷

邊城十二味飲

歸尾

蒲黃

紅花

蘇木

桃仁

丹皮

乳香

沒藥

紫蘇

各一錢

生地黃

赤芍

酒大黃

各二錢

右酒水各半煎

七真膏

乳香

去油另研

沒藥

去油另研

輕粉

三七

焙

兒茶

各三錢

麝香

四分

冰片

七分

右各末共一處研勻瓶貯聽用

凡杖傷不可用湯水洗將此藥蜜調敷上薄棉

紙蓋之乾以蜜水潤之

棒頭丹

大黃 一兩

沒藥 去油

乳香 去油

樟腦 各五錢

兒茶 三錢

右共爲末蜜調敷治杖重臨危卽時止痛

鐵布衫丸

歸尾

地龍 製末

川芎

無名異

兒茶 各一兩五錢

乳香 製

製沒藥 各五錢

血竭 一兩

麝香 一錢

木鼈仁 製末一兩五錢

右共爲末醋丸圓眼大酒服一丸不杖以蔥汁解

打著不疼方 存驗

用白蠟一兩切細入碗內滾酒沖服

杖瘡方

用鳳仙花一棵連根帶蒂葉搗爛塗患處如乾又塗

一夜血散卽愈無鮮的則秋開收起爲末

保元湯

通用

八珍湯

通用

槿皮酒

見發無定處疥瘡

夾傷

夾傷卽擠傷也初禁用膏藥敷及泥塗等法恐後必作腫成膿未受刑之先宜服護心丹既受刑之後宜將熱尿飲之亦服護心丹外用銀硃火酒敷之著一人以手十指尖輕啄患者腳心先覺痒次覺疼爲止再著一二人

以筆管於患者腳面上輕輕趕之助通血脈候傷處坳者突起四圍腫大爲度卽服瓊液散隨飲至醉次日揩去銀硃敷七真膏服代杖湯至愈乃止如復受重刑破潰者及夾傷多年不愈者亦敷七真膏內服代杖散接用大補氣血之劑如痿耆朮草歸地杜仲之屬方可收功

一夾死者急將熱尿灌之再用生附子

七錢泡去皮臍爲

末服二分每服酒三盞煎一盞如無附子以生薑汁半盞酒半盞同煎百沸并灌二服

一夾碎骨者用土鼈

生多年酒缸下

生鼈同搗敷之內服護心

丹

一預防夾棍用獨核肥阜二十個搗爛去皮淨搗極細

加川烏末五錢黃麻子末八錢草烏末一兩製乳香

一錢未製沒藥一錢和勻預敷受刑處緊包好次日解

去刑後亦可用銀硃敷之

人之骹受官刑皮肉腐爛死血未散疼痛呼號似宜用

膏藥末藥外治為佳然而受刑深重不急內消專用

外治則逍遙膜外安能衛心使惡血不相犯乎今有

一方名衛心仙丹一受官刑即時煎服斷無性命之

虞服後再用外治內外調治則瘡口易愈

護心丹

自然銅

醋煅七次

木鼈子

制衣

無名異

洗

製乳香

製沒藥

蘇木

當歸

蚯蚓

去土各等分

右爲細末和勻蜜丸二錢重每用一丸黃酒化下一方

內有肉桂土鼈蟲

瓊液散

鬧羊花

揀去梗蒂葉洗去灰沙曬乾砂鍋微炒

右爲末每服五分壯者七分先飲醕酒至半酣次用調

藥服再飲至大醉爲度靜臥勿語語則發麻麻至次

日其麻方解消腫止痛其功甚捷弱者間一日再服

代杖湯

當歸

生地 各三錢

製乳香

製沒藥

蘇木

各二錢

川芎

枳殼 麴炒

穿山甲 炙研

甘草

各一錢

右酒水各半煎服取微汗氣虛人加人蔘黃耆

衛心仙丹

大黃

三錢

當歸

一兩

紅花

三錢

桃仁

三十粒

生地

一兩

丹皮

三錢

木耳

三錢

白芥子

二錢

右水煎服一劑而惡血散矣然後以膏藥貼之

護心散

大黃 一兩

沒藥 三錢

乳香 三錢

白蠟 一兩

松香 五錢

骨碎補 五錢

當歸 一兩

麝香 五分

各爲細末豬板油 一兩 將白蠟松香同豬油在銅鍋內
化開後將各藥末拌勻爲膏藥貼在傷處外用油紙
包裹再用纏在輕者一膏卽愈重者須貼兩膏夾棍
傷重大約四個卽可行動無虞矣此二方至神至奇
內方惡血散盡外方使死肉回生

七真膏

見前
杖傷

桡傷

凡桡傷手指者用皂礬

二兩

水四五碗砂鍋內熬滾將手

小斗登台

外因難寫證治

熏洗良久血活痛止不致潰爛熬時忌銅鐵器其洗手水過夜卽臭惡不可聞傷重者更用銀硃訶子肉研末蜜調敷之服代杖湯

代杖傷

見前夾傷

踢傷

凡被踢青紫腫痛用冬青葉同醋煮數沸略滴麻油少許在內取葉換貼患處卽愈

湯火傷

湯火傷者乃好肉暴經湯潑火燒焮赤腫急用地榆磨細如麩麻油調敷其痛立止如已起泡則將泡挑破放出

毒水然後敷之再加以乾末撒上破損者亦然功靈效速乃湯火傷之神藥也如失治潰爛不斂者取竈心黃土名伏龍肝入炭火煅紅水飛曬乾研細人乳調敷數次卽愈此證最忌涼水涼藥浸敷致令熱毒伏內輕則皮內臭爛重則神昏氣喘多成不救

一凡被燙燒將死者用生蘿蔔汁灌之良久則活敷藥同上

一被花爆火藥烘燎者磨爆竹硝黃染火燒者服藥敷藥同上

一銃子入肉用蜂蜜沖好酒飲醉卽出或用黃蠟沖酒

亦效敷藥同上

火藥燒傷方

急取鮮柏枝搗爛香油調敷神效忌七天不可見水

鏃木刺入肉

陳臘肉去皮取紅活美好者連肥切細將 象皮末及人

指甲末拌臘肉內剝合一處厚敷四旁一飯頃其鏃自

出

謹案葉氏種福堂本原刻作新象牙末又綱目象牙末治云諸鐵及雜物入肉刮牙屑和水敷之立出

一出箭頭與鉛礮子鐵鍼以乾莧菜與沙糖塗之即出

一鐵鍼刺入肉內無眼者不動有眼者隨氣遊走若走

向心窩胸腫者險急用烏鴉翎數根焙焦黃色研服

一二錢外用車脂輦油不拘多少調活磁石末攤如錢許貼之每日二換其鍼自出 又方陳臘肉皮貼之即出 又方雙杏仁搗爛羊脂調貼亦出

一葦刺入肉用栗子生嚼敷之

一骨刺入肉用象牙刮末水煮白梅肉調敷自輟

一竹木刺入肉嚼生牛膝根罨之即出 又方草麻仁搗

敷極效

一刺傷水中腫痛用韭菜微煮湯之

人齧傷

人常食炙煇之物牙齒潰有毒初齧時急用熱尿傷處洗

去牙垢瘀血以白果生嚼塗之或更以人尿貯瓶內將指浸之一夕可愈如失治則痛爛發腫亦必以尿洗淨以龜版或鼈甲煨末香油調敷俟腫消痛止換上生肌藥

熊虎狼齧傷

熊虎狼牙爪傷人皮肉成瘡者初宜用葛根濃煎內服一二鍾外洗傷處或生鐵煮令有味洗之亦妙用青布捲爲繩然著納竹筒中注瘡熏之出毒水再用獨窠子生杵塗傷處卽愈

一凡虎傷無論爪牙流血必多大約虎傷多在頸項必

有深孔或兩個或四個其孔一時卽變黑色痛不可忍急用生豬油塞之無豬油卽用生豬肉填之則肉入孔中隨塞隨化庶不致所傷之肉再腐然後急用地榆半斤爲極細末敷其所傷之處血卽頓止隨用湯藥解其渴蓋虎傷之處流血必多而虎有熱毒直來犯心故口渴之甚斷不與水飲萬不得已小便飲之

制虎湯

當歸

三兩

地榆

一兩

生地

三兩

三七根

末一兩

麥冬

三兩

水十碗煎數碗令其暘飲服完必安而臥明日傷處大
痒又服一劑再臥如是五日瘡口生合而愈矣

馬齧傷

馬齧成瘡用粟子嚼敷傷處如毒氣入裏心煩嘔悶者馬
齒莧搗爛煎湯頻飲之又方先用艾灸患處七壯後以
人尿鼠矢曬乾煨末豬脂調敷效

犬齧傷

纔齧時便以米泔水浸洗傷處用番木鱉切片瓦上炙炭
存性研末撒上一二日即愈如潰爛日久者半月愈
癩狗傷人必發癩如狂之狀世以爲其人必生小狗于

腹中此誤傳也因其發癰有如狗狀見人則敵遇女則踴大小便必一時俱閉虛用努力似生產艱難且外勢急痛腰腹作脹而死急需藥調治救命木鼈子三個切片斑蝥七個陳土炒去頭足米一撮炒大黃五錢劉寄奴五錢茯苓五錢麝香五分各研細末和勻黃酒調服三錢一劑毒卽全解至神之方也不必二服皆能奏功過七日外必須多服數次無不可救服藥切忌色慾兩月並忌發物諸豆及豆油豆腐豆粉秋油凡諸豆造成者皆忌食餘無所忌

瘋犬傷最毒用糯米一撮斑蝥

二十個

去頭足翅先以七

個入米內慢火略炒去毛又入七個炒令焦色變亦去毛再入七個炒米出赤煙爲度去毛不用只將米研粉用冷水入清油少許空心調服一錢須臾又進一服以二便利下惡物爲度未利再進覺腹痛急冷水調靛青服之以解斑蝥之毒或預以黃連甘草煎湯待冷服之亦可敷藥同上不可食熱物一年不食豆類並戒犬肉終身犯則復發不救

豬咬傷

豬咬成瘡用松脂煉作餅貼之或以龜版燒存性研末香油調搽

貓齧傷

傷處用薄荷煎汁洗之雄鼠矢煨研菜油調敷

鼠齧傷

鼠齧成瘡用貓毛煨存性入麝香少許香油調敷

蛇齧傷

凡被蛇傷卽以鍼刺傷處出血以繩紮傷處兩頭庶不致毒氣內攻流布經絡用五靈脂雄黃等分研末酒服二錢外亦以敷之中畱一孔令洩毒氣或取三七搗爛罨之毒亦消散神效如毒氣入腹腫昏憤者則急用香白芷一兩爲末麥冬煎湯調灌之頃刻傷處出毒水毒盡

腫消仍用白芷末敷之而愈

一蛇傷久潰不愈毒氣延蔓者先以淨水洗淨用白芷末膽礬麝香少許研勻摻之良久惡水湧出其痛卽止日以敷之一月愈

一蛇齧牙折肉中疼甚勿令人知用荇菜卽葳草覆其上以物包之所折牙自出

一蛇入七孔耳鼻等處割母豬尾血滴入卽出內用雄黃硃砂共末煎人薺湯調灌之或食蒜飲酒內毒卽解

一蛇纏人足令人尿之卽解如纏腹卽以熱湯淋之亦

解

一山居人被傷倉卒無藥者急以溺洗傷處以艾炙數壯最良或搗蒜封之亦妙

蛇傷或在足上或在頭面或在身腹之間足腫如斗面腫如盤腹腫如箕三日不救則毒氣攻心而死蓋蛇乃陰物藏于土中初出洞時其口尙未飲水毒猶未解故傷人最毒治宜解毒爲主用祛毒散

祛毒散

白芷

一兩

生甘草

二兩

夏枯草

二兩

蒲公英

一兩

紫花地丁

一兩

白礬

三錢

水煎服一劑腫消二劑毒盡從大小便出三劑全愈

蚯蚓傷

凡被蚯蚓毒眉髮皆脫狀如大麻風但夜則蚯蚓鳴于體中爲異耳宜用鹽湯頻頻洗之其毒自出更用牡礪煨粉津調敷之如被咬生瘡者鴨血塗之小兒多受蚯蚓呵毒陰莖及囊俱腫如水泡亦用鴨血塗之或置鴨口含少時卽消

蜈蚣咬傷

此傷取雄雞倒控少時以手蘸雞口涎抹搽傷處其痛立止或捕蜘蛛置咬處待吸毒完蜘蛛不動放水中吐而

活之將蜘蛛放去傷盛者內飲生雞熱血

蝎螫傷

蝎有雌雄二種雄者螫之痛在一處雌者螫人痛牽徧體方用大蝸牛一個搗爛塗之其痛立止如一時不得蝸牛則用膽礬末醋和敷傷處徐春甫云蝎怕膽礬親見蝎螫疼痛用膽礬搽之立消此制蝎第一藥也

射工傷

俗名沙發

溪澗中有射工蟲常含沙射人形影人中其毒則病如瘡狀或如傷寒瘡偏聚一處異於常瘡中之深者死急用蔥白一握切豉半斤葛根

二兩

升麻

七錢

其末每以四

錢水煎不拘時溫服移時再服外用大蜈蚣一條炙研醋和敷之

蠼蝨蟲傷

即多腳蟲俗名蒼衣蟲

此蟲藏于壁間以尿射人則皮膚腫痛起泡狀如茱萸中央白膿或初如糝粟漸大如豆如火烙漿泡疼痛之至繞身即死用鹽湯棉蘸塌瘡上數次即消或用犀角磨汁塗之或用雞矢塗之或以大黃末塗之亦效

蜘蛛咬傷

蜘蛛咬人成瘡用薑汁調糊粉敷或用清油和鹽搽之內飲羊乳本草云蜘蛛咬人令人一身生絲惟羊乳飲之

可解

天蛇齧傷 卽花蜘蛛

天蛇卽草中花蜘蛛人被其傷與毒蛇無異復浸露中則皮膚似癩非癩宜用秦艽煎湯徐徐飲之外以雄黃白礬研敷甚效或用蒼耳草搗汁內服外敷亦效

羊薺子螫傷

此傷用蚯蚓泥乾搽或竈心土醋搓痛處俱妙又細嚼甘草敷之效

蜂螫傷

纔傷卽用小便浸洗拭乾以香油塗之愈又方米醋磨雄

黃塗之又方用井水調蚯蚓糞塗立止痛

蠶齧傷

蠶齧人毒入肉中令人發寒熱用苧根或葉搗汁塗之愈

按蠶怕苧麻故今之養蠶家以苧麻近蠶則不生發也

壁虎齧傷

此傷用桑葉燒灰水調濃漉汁調白礬末塗之或用青苔

搗塗內服敗毒散加青苔

三錢

煎服

謹案綱目苔草類僅屋遊治犬齧瓦

松治瘋犬齧惟隔草類青黛治諸毒蟲傷或傳寫之誤

蝮蛇齧傷

醋和石灰敷之效

馬蟻齧傷

用鹽並香油調塗之

蟻螫傷

蟻鉗傷人以頭垢封之或反手取地上土敷之醋調亦可

沙蟲傷

此蟲在水中人洗澡則著人身鑽入皮內初時皮上赤如小豆黍粟狀摩之痛如刺三日後寒熱發瘡若入骨則殺人嶺南多此用茅葉刮去搗苦苣菜汁塗之或以小蒜搗敷又方用斑蝥一枚以一枚末服一枚燒至煙盡研末敷之立愈

石蛭傷

山中草木枝上有石蛭著人足則穿肌入骨害人凡山行宜以臘豬脂和鹽塗足脛趾卽不著人

辟蚊

鱖魚骨夜明砂水上浮萍棟樹花曬乾燒一次七日蚊蟲不入家一方鼈甲骨鱖魚骨棟樹花苦蕒藜蘆各等分末每晚取一撮燒之蚊自去

辟蝨

百部秦艽爲末于竹籠內燒煙熏之亦可煎湯洗衣又方白果三十個去殼研爛入漿內漿衣則不生蝨

辟蛇蟻

樟腦雌黃鱖魚骨等分末燒煙熏之卽以樟腦摻衣席極妙

辟臭蟲

番胡椒

卽大椒

碎末放火上燒煙熏之人須離遠否則人聞

煙入鼻卽出血

一方

用茱萸末灑入褥上卽滅

又方

白

檀香芸香

各一兩

茱萸

五錢

三樣爲末放炭火內燒煙熏

之要屋內不透風方好

乩仙治臭蟲方

用硫黃數錢爲末和棉花子燒棉花子重下二三

卽絕